



KENYATAAN MEDIA
LEMBAGA KEMAJUAN PERTANIAN MUDA

"MADA SAMBUT BAIK BELANJAWAN MADANI 2023"

Lembaga Kemajuan Pertanian Muda - MADA menyambut baik Belanjawan MADANI 2023 yang telah diumumkan oleh YAB Perdana Menteri dan menzahirkan penghargaan terima kasih kepada "Kerajaan Perpaduan" bersetuju menyalurkan sumbangan tunai sebanyak RM200 sebulan untuk tempoh tiga bulan atau semusim dengan peruntukkan berjumlah RM 228 Juta kepada 240 ribu pesawah di seluruh Malaysia termasuk pesawah di Kawasan Muda.

Pembentangan Belanjawan MADANI 2023 menunjukkan keprihatinan kerajaan terhadap sektor pertanian dan menyelami gerak nadi petani dengan usaha langkah memberi bantuan supaya dapat meringankan beban pesawah sementara menunggu hasil tuaian mereka.

Selaras dengan agenda keterjaminan makanan, kerajaan juga telah bersetuju untuk meneruskan pemberian subsidi dan insentif bagi industri padi dan beras seperti harga padi, baja padi dan padi huma berjumlah RM1.6 bilion. Selain daripada sumbangan 60 juta ringgit yang disediakan, pesawah juga akan turut menikmati perkongsian 30% keuntungan bersih import beras oleh BERNAS.

Bantuan ini membuktikan kepedulian Kerajaan Perpaduan dalam mentransformasikan sektor pertanian supaya menjadi sektor yang moden dan dinamik serta negara lebih kompetitif sebagai pengeluar utama makanan sekaligus menjadikan sektor pertanian sebagai salah satu jentera pertumbuhan ekonomi negara.

Adalah menjadi harapan MADA agar dapat bersama-sama kerajaan melalui Kementerian Pertanian dan Keterjaminan Makanan mendepani cabaran-cabaran sektor agromakanan untuk terus memacu permodenan sektor pertanian dalam meningkatkan jaminan dan keselamatan makanan.

Untuk makluman, di Kawasan Muda terdapat seramai 57,635 orang peladang mengusahakan sawah seluas 100,658 hektar di dalam pentadbiran 27 Pertubuhan Peladang Kawasan (PPK) MADA.

Dikeluarkan Oleh:

Cawangan Komunikasi Korporat
Lembaga Kemajuan Pertanian Muda – MADA

26 Februari 2023